

# Athör ë diäk cï Joon göt

## Wet nom

Athör ë diäk ë get Joon tënë raan tō akut kōc cï gam nom cōl Gaiōth. Acï Gaiōth leec thïn wet ë yen kōc cï gam kony, ku yōök ke bïk rōt tiit ë mony cōl Diōtrepeth.

## Käk tō thïn

Muōth tueŋ 1-4

Joon acï Gaiōth leec 5-8

Joon acï Diōtrepeth nyieeny 9-10

Joon acï Demetriōth leec 11-12

Muōth ciëen 13-14

**1** <sup>1</sup> Ee yen raandit akut kōc cï gam, yen acï yï gät athör kënë yïn Gaiōth raan nhiaar piändie ëbën. <sup>2</sup> Mäthdie, aŋääth Ƴapuōu lōn puōl yïn guōp, ku lōn le yïn tueŋ kek luōidu apath, cimën pïr weiku ë Nhialic nom. <sup>3</sup> Yen acï puōu ben miet apei wäär bïi kōc kōk cï gam tënë yï, ku lëkkë Ƴa lōn yïn apïr dhël ë Nhialic yic akōlakōl. <sup>4</sup> Na pieŋ lōn mïthkien cï gam cimëndu aa pïr tecit te cï Nhialic ye nyuōth Ƴo thïn, ke Ƴa cōl amit puōu apeidit.

## Gaiōth acï leec

<sup>5</sup> Mäthdie yïn acï kajuëc looi kāk cï kōc cï gam kony, kōc cï gam ë cath ke piōoc wet Jethu, agut kōc cie kōc pandun. Kënë, acï nyuōth Ƴa lōn yïn ë raan path cï wet Jethu gam. <sup>6</sup> Acï kōc ca konykā lek Ƴo, Ƴok kōc cï gam ten yen te nhieer yïn ke thïn. Ku ëmën alek yï ba ŋot yï la tueŋ ke yï kony ë kōckä, te jiël kek tënë yï. Kënë adhielkë looi dhël nhieer Nhialic. <sup>7</sup> Rin kōckä aa cath ë baai yic, rin aa kōc lui rin Jethu. Acïn kë yekë thiëec, nadë ke lömkë tënë kōc cie kōc cï gam bï kek rōt kony. <sup>8</sup> Këya, Ƴok kōc cï gam, Ƴok aa dhil kōckä gäm kuat kāk wickë ke, rin buk aa kac tōk lui Ƴok ke yiny Nhialic yen yekë lek kōc.

## Diōtrepeth ku Demetriōth

<sup>9</sup> Wek aaca kaŋ gät athöör theer, wek kōc cï gam ë teen. Ku Diōtrepeth acï ben jai ë wetdie, rin awic bï ya yen wat akut nom. <sup>10</sup> Te le yen yet pandun, acïn kë ba moony tënë kōc, ee kāk ye Diōtrepeth looi yiic ëbën, aa kāk lueth kek aye lueel Ƴaguōp. Ku yeen aya aloi det wär kënë, akuec bï kōckuan cï gam lor, kōc ë cath ke piōoc wet Jethu, ku ë jai aya bï kōc puōl bïk wämäthakën cï gamkā aa lor, ku ë kōc ë kōc lor cuōp wei akut yic. <sup>11</sup> Yïn mäthdie duk kōckä rëec luōiden ye kieet, dhiel ë kieet këpath ye kōc path looi. Na loi raan käpath, ke këpuōth cï looi aye nyuōth lōn raan kënë ë manh Nhialic, ku raan ë luui käreec, käreec ye looi aaye nyuōth lōn raan kënë akuc Nhialic.

<sup>12</sup> Kuat raan ëbën kōc cï gam yiic, aye lueel lōn raan cōl Demetriōth ë raan path. Ee kë cï Nhialic lek Ƴo buk aa looi yen aye looi. Yen alek yï lōn yeen ë raan path, ku aŋic aya, kuat kë Ƴa lueel rin raan ëbën, ee Ƴa yic.

## Muōth ciëen

<sup>13</sup> Kajuëc apei aake nhiaar ba ke lek yï, ku acä wïc ba kek gät athör yic. <sup>14</sup> Kë wiëc ku aŋääth, ee lōn bï yen la keny tënë we ëmën, ku ë teen Ƴok abï la yök ku jieemku rōt kamkua Ƴodhie. Nhialic abï we cōl arëer ke döörde. <sup>15</sup> Wämäthakun cï gam rëer ë ten aa yï muōth. Miäthkë kōc cï gam rëer ke we ë rienkie ëbën.